

coloratos rhetoricae facundiæ flosculos, non acuta dia-
lecticorum ponere argumenta curavi. Salvo enim eo,
quod mihi sacerularis sapientia phaleras sequi non libet,
quia te etiam negotiis sacerularibus implicatum novi
multa non posse perlegerem, nolui te prolixis argu-
mentorum distinctionibus onerare. Quapropter dum
nuda pene tibi Scripturarum exempla proposui, ve-
luti sagittarum fasciculum in pharetram misi. Et
quia ex verbis contrariis suggeritur copia respon-
sioni, arma quidem præbui; quo vero te invictum

A effundere debeas, quo clypeum circumvolvere, quia
bella neendum imminent, ad plenum docere non po-
tui. Habes igitur coram posita, quæ ad hujusmodi
conflictum sunt necessaria. Uttere varatis, ut expe-
dire decreveris.

Omnipotens Deus, dilectissime frater, ab invisibili-
lum te insidiis hostium misericorditer protegat et
immunem te de hujusmodi certamine ad cœlestia
regna perducat. Amen.

Sit nomen Domini benedictum.

51-52 OPUSCULUM QUARTUM.

DISCEPTATIO SYNODALIS INTER REGIS ADVOCATUM ET ROMANÆ ECCLESIAE DEFENSOREM.

ARGUMENTUM. — In hoc libello Romanæ Ecclesiæ defensor et regis Henrici advocatus faltercantes inducum-
tur. Causa autem eorum altercationis hæc erat: Inoleverat prava consuetudo, ut Romanus pontifex eligi
non posset, nisi ab imperatore prius confirmaretur. Cum igitur tunc temporis Henricus III puer esset, et
adhuc sub tutela constitutus, sine illius assensu pontifex electus est: quod cum ab Henrici legatis in
crimen vocaretur, in hac disputatione cuncta eorum objecta refelluntur, ut paulatim cogatur regius ad-
vocatus rationibus convictus, in contrarium transire sententiam. Fingitur autem hæc disceptatio habita
coram synodo Episcoporum qui, ut hac de re pronuntiarent, in unum convenerant. Cudaloum antipapam
sequentibus verbis combellat S. auctor.

Sed ad hæc gloriaris et jactas: Rex me, et impe-
ratrix mater eligit, ad hunc apicem me regia celsi-
tudo provexit: sed cum hinc aula regia suum tuea-
tur electum, illinc Romanæ Ecclesia proprium de-
fendat antistitem, jam in solio constitutum; dignum
est, ut sanctorum atque prudentium sacerdotum
multitudo conveniat: et hanc quæstionem ventilans
sub canonici juris auctoritate discernat. Et quoniam
in proximo, ut speramus, fiet hinc Osboriense con-
cilium, hic jam ejusdem concilii constituamus velut
in quadam tabellæ pictura præludium. Juxta visio-
nen ergo Danielis (*Dan. vii*), patrum throni sint po-
siti, judicium sedeat, libri àperiantur, et solutionis
indiga quæstio in medium ducatur. Hinc itaque
Romanæ defensor Ecclesiæ suas allegationes infe-
rat: illinc advocatus regius propriæ partis argumenta
depromat. Taceat Parma cum suo hæresiarcha, ad-
vocatio tantum regia, et Romana invicem obloqua-
tur Ecclesia; sanctorum vero sacerdotum erecti sint
animi, ut et quæ utrinque dicenda sunt, conferant,
et peroratæ causæ judicialis sententiæ calculum po-
nant. Age igitur, defensor apostolicæ sedis incipiat,
deinde regius advocatus, quæ sibi videbuntur ob-
tendat.

Defensor Romanæ Ecclesiæ.

Cum Beatitudo vestra, venerabiles patres, super
apostolicæ sedis negotio disputat, ad cunctas Ecclesias pertinere, quod versatur in manibus, non igno-
rat. Ilac enim stante, reliquæ stant; sin autem hæc,
quæ omnium fundamentum est, et basis obruitur:
cæterarum quoque status necesse est collabatur.
Omnes autem sive patriarchi cujuslibet apicem,

B sive metropoleon primatus, aut episcopatum cathe-
dras, vel Ecclesiarum cujuscunque ordinis dignita-
tes, sive rex, sive imperator, sive cujuslibet conditio-
nis homo purus instituit, et (prout voluntas, aut
facultas tulit) specialium sibi prærogativarum jura
præfixit; Romanam autem Ecclesiam solus ille fun-
davit, et super petram fidei mox nascentis erexit: Qui
beato vitæ æternæ clavigero, terreni, simul
et cœlestis imperii jura commisit (*Matth. xvi*). Non
ergo quælibet terrena sententia, sed illud Verbum,
per quod conditum est cœlum et terra, per quod de-
nique omnia condita sunt elementa, Romanam fun-
davit Ecclesiam; illius certe privilegio fungitur, il-
lius auctoritate fulcitur. Unde non dubium, quia
quisquis cuilibet Ecclesiæ jus suum detraxit, inju-
stitiam facit: qui autem Romanæ Ecclesiæ privilegium
ab ipso summo omnium Ecclesiarum capite traditum
auferre conatur, hic procul dubio in hæresim labitur.
et cum ille notetur injustus, hic est procul dubio
dicendus hæreticus. Fidem quippe violat, qui ad-
versus illam agit, quæ mater est fidei, et illi contu-
max invenitur, qui eam cunctis Ecclesiis prætulisse
cognoscitur. Cum hæc igitur vestra Sanctitas indu-
bitanter agnoscat, vos, qui non quilibet, sed nobi-
liores, et egregii estis filii Romanæ Ecclesiæ, pieta-
tis viscera circa matrem vestram compatientes ostendite:
et utrum destrui debeat, sibimet eligendo pon-
tificem, 53 judicate. Mirum quippe est, si quod
minoribus Ecclesiis canonicus vigor attribuit, illi
soli, quæ caput est omnium, non permisit.

Regius advocatus.

Prolixa declamatio dedit attentionem, benevolen-

tiam, atque docilitatem: et hoc potius juxta consuetudinem fori judicialis, quam secundum regulam concilii synodalis: ubi scilicet non magnopere curare debemus elucubratæ locutionis urbanitatem, sed vivæ potius sententiæ puritatem. Ad querelam ergo coram sanctis sacerdotibus deponendam, sufficiat nobis dicere: quoniam inlronizasti papam sine consensu domini nostri regis, ad injuriam scilicet atque contemptum regiae majestatis.

Defensor Romanæ Ecclesiæ.

Ordinationem papæ factam diffiteri nec possumus, nec debemus; regis autem injuriam modis omnibus propulsamus. Sed videamus primo, si placet, utrum papa sine rege potuerit fieri, et sic postmodum de regis-disputemus injuria.

Regius advocatus.

Gerte liquido novimus, quia illi debent pontificem, cum ordinatur, eligere, quos sibi, postquam ordinatus fuerit, canonica decernit auctoritas obediens; papæ vero, quia universalis est pontifex, non modo Romanus populus, sed et Romanus imperator, qui caput est populi, obedientiam debet. Censendum ergo est, ut papam sine capite suo populus eligat, et ei, quem non elegit imperator, obediatur. Constat ergo, quia nisi Romani regis assensus accesserit, Romani pontificis electio perfecta non erit.

Defensor Romanæ Ecclesiæ.

Perhibendum est itaque juxta vestræ disputationis articulum, quia neque Stephanus, neque Sixtus, neque Cornelius, non denique Clemens, non Sylvester, non ipse B. Petrus apostolus papali nomine digni sunt, qui ab imperatoribus eorumdem tempore electi non sunt.

Regius advocatus.

Gentiles reges non sunt adhibendi ad hujus, de quo loquimur, electionis exemplum; qui quoniam Christianam ignorabant fidem, Christianorum non poterant ordinare pontificem. Cæterum Christiani principes semper Romanos elegere pontifices.

Defensor Romanæ Ecclesiæ.

Qui mentitur in communi colloquio, mendax dicitur, qui autem in praesentia venerabilium sacerdotum falsa protulerit, sacrilegii procul dubio crimen incurrit. Dixisti, **54** Christianos principes, Romanos semper elegisse pontifices; percurre mecum ecclesiastice antiquitatis historias, Romanorum præsulum catalogum studiose disquire; et cum perpaucis inveneris in electione sua regium accessisse consensum, confitere te perspicuum protulisse mendacium. Quis enim rex, Antonii filium Damasum Hispanensem? quis Innocentium Innocentii filium Albanensem? quis denique Zosimum Graecum Ebramii filium elegit? quis præterea Leonem Quiriani filium de Tuscia? quis Hilarium Crispini filium de Sardinia? quis Coelestinum Prisci Romani civis filium? quis Bonifacium, quis Anastasium æque Romanos? Denique multos attixerem, nisi fastidium generarem. Sed ne me putas non habentem copiam ab eorum enumeratione desifi-

A cere; quis imperatorum elegit Simplicium Tiburtinum? Felicem natione Romanum? quis Gelasium Afrum Valerii filium? quis Symmachum Sardiniae provinciae filium Fortunati? quis Hormisdam filium Justi natione Campanum, Joannem ordine Tuscum; Felicem natione Samnitum, Bonifacium Sigibaldi filium, Mercurium Projecti, Agapitum Cordiani natura Romanos? Quis enim regum electioni cuiuslibet istorum suum legitur adhibuisse consensum? cum eorum temporibus Romanæ reipublicæ Christiani principes præfuisse legantur, id est, Valentianus Senior; Valens frater ejus, qui occisus est in pugna Gothica prope Adrianopolim; Gratianus, qui a Maximo tyranno peremptus est; Valentianus Junior, qui necatus est a comite suo Viennæ; deinde Arcadius, Honorius, Theodosius; Joannes ille, qui apud Ravennam occisus est; Valentianus tertius, qui in campo Martio est peremptus, Martianus, Leo, Majorianus, Severus, Anthemius, Olybrius, Glycarius, Zeno; Nepos ille, qui in villa sua occisus est juxta Salonas; Augustulus, Anastasius, Justinus, et cæteri Romani imperatores, quos vitandi lachinosi styli causa præfereo. Da mihi ergo eorum, quos enumeravimus, aliquem, vel præsulem requirentem, vel principem assensum in electione præbentem: et ego do manum, ac te perhibeo laureandum: alioquin si dare non poteris, in hoc te convictum per omnia necesse est fatearis. Quod autem B. Gregorio legitur adhibuisse Mauritius imperator assensum, et perpauci alii principes aliis promovendis: hoc dictavit perturbatio temporum, et tempestas horrenda bellorum.

Regius advocatus.

Si mentiri est contra mentem loqui, temerarium est me mendacii tam procaciter argui, qui non unique falsum, sed verum me dixisse putavi: tamen assentior et in hoc superatum me dixissen abnuo.

Defensor Ecclesiæ.

Ut autem id ipsum adhuc manifestius pateat, et te super hac dimicandi materia perdidisse, tibimet ipsi clarius innotescat: lege Constantini imperatoris edictum, ubi sedis apostolicæ constituit super omnes in orbe **55** terrarum Ecclesias principatum. Nam postquam supra corpus B. Petri basilicam fundator erexit, postquam patriarchium Lateranense in beati Salvatoris honorem construxit, mox per imperialis rescripti seriem Romanæ ecclesie constituit dignitatem. Ubi nimurum B. Sylvestro, suisque successoribus obtulit, ut regali more et aurea corona plecterentur in capite, et cæteras regii cultus insulas usurparent (*vide notas ad calcem opusculi*). Verum B. Sylvester ornamenta, quæ sacerdotali congruere judicabat officio, in proprios usus assumpsit: coronam vero, vel cætera, quæ magis ambitionis quam mystica videbantur, omisit. Cui etiam Constantinus Lateranense palatum, quod eatenus aula regalis exsisterat, perpetuo jure concessit; regnum Italiæ judicandum tradidit. Nam et ipsius regis haec verba sunt: Unde congruum, inquit,

prospēximus, nostrum imperium, et regni potestatem orientalibus transferri, ac transmutari regionibus, et in Bysantia provincia, in optimo loco nomini nostro civitatem aedificari, et nostrum illic constitui imperium; quoniam ubi principatus sacerdotum, et Christianæ religionis caput ab imperatore cœlesti constitutum est, justum non est, ut illic imperator terrenus habeat potestatem. Audisti, quia terrenus imperator non habet in Romana Ecclesia potestatem: quomodo ergo sine illius arbitrio, qui ibi potestatem non habet, non licet eligi sacerdotem? ipse vero Constantinopolim, velut in secunda Roma, perpetuo regnaturus abscessit. Longe vero post Theodosius imperator, beati Pauli basilicam cœpit, quo defuncto, filius ejus Honorius eamdem basilicam ad calcem usque perduxit. Hi quoque Romanæ Ecclesiae privilegium nihilominus firmaverunt. Quomodo ergo prærogativam sibi in Romani pontificis electione relinquerent qui Romanam Ecclesiam nequaquam sibi studuerunt subdere, sed præferre? non præcipere, sed parere; non præcellere, sed subesse?

Règus advocate.

Assentior plane, et re actum duco, quod loquaris: sed esto, quod nunc regia celsitudo ex antiquorum consuetudine principum hoc sibimet allegare non possit: verumtamen tu hoc negare non potes, quod pater domini mei regis piæ memorie Henricus imperator factus est patricius Romanorum, a quibus etiam accepit, in electione semper ordinandi pontificis principatum. Huc accedit quod præstantius est, quia Nicolaus papa hoc domino meo Regi privilegium, quod ex paterno jam jure successerat, præbuit, et per synodalis insuper decreti paginam confirmavit. Cum ergo privatus quisque a suo decidere jure non debet, donec ventilato negotio judicialis in eum sententia promulgetur: quo pacto majestas regia prærogativam hanc suæ dignitatis amisit, quam et ex apostolicæ sedis liberalitate percepit, et ex paterno imperialis fastigii jure successit? Quo, inquam, modo in Romana Ecclesia dignitatis adeptæ locum sine judicio perdidit, qui Romanam Ecclesiam non offendit?

56 *Defensor Romanæ Ecclesie.*

Privilegium invictissimo regi nostro ipsi quoque dēfendimus, et ut semper plenūm, illibatumque possideat, vehementer optamus. Porro autem Romana Ecclesia multo nobilius, atque sublimius, quam māter carnis, mater est regis. Illa siquidem peperit, ut per ejus traducem revertatur in pulverem, ista genuit, ut Christi sine fine regnantis efficiat cohæredem. Et cuncti liquido novimus, quia rex, licet egregiæ indolis, tamen adhuc puer est. Quid ergo mali Romana facit Ecclesia, si filio suo, cum adhuc impubes esset, cum adhuc tutore egeret, ipsa tutris officium subiit, et jus quod illi competebat implevit? Quis enim nesciat, quia sacerdotem eligere puer ignorat? Sæpe māter iudicis tribunal irrumpt, testes adsciscit, notarios convocat, siveque per asti-

A pulationes, et rata, insuper et apicum monumenta omnia bonorum suorum filio jura delegat: interim tamen, usque dum ille ad juvenilis ætatis incrementsa perveniat, et rationis capax fiat, illa cuncta dispensat, omnia ordinat: siveque quod jam alieni juris est patrimonium ad propriæ disponit provisionis arbitrium. Nunquid ob hoc dicenda est mulier illa filio suo concessa subtrahere? imo verius prohibetur, ut puto, pietatis studio deservire; quia quæ rudes adhuc filius dilapidare ac prodigere poterat; hæc illa sibimet apte disposita, caute retenta, rationabiliter ordinata conservat. Carnalis ergo mater adjuvat filium in rebus terrenis; et mater Ecclesia filio suo regi præbere non debet auxilium in spirituibus donis? Obmutescat ergo plectenda versutia, quæ scilicet hoc damnat, quod prædicare debuerat; illi crimen imponere nilitur, quæ pro benefactis gloriæ titulum promeretur. Huc accedit, quia non nunquam ob varietatem temporum sæpe mutandus est ordo causarum. Tunc enim quando pontificem Romana sibi præfecit Ecclesia, tantæ simultatis fomes in seditionem cives accenderat, tantus livor, et odium tumultuantis populi corda turbaverat, ut de tam longinquis terrarum spatiis nequaquam regiæ clementiæ præstolari possemus oraculum. Nisi enim quantocius ordinaretur antistes, perniciosus in populo gladius mutuis vulneribus desæviret; et non parva Romanorum civium strages fieret.

Règus advocate.

Obtende quod vis, argumentare quod placet, dummodo constet, quia nullatenus debuit immutari, quod papa concessit, quod decreto constituit, quod scriptio firmavit.

Defensor Romanæ Ecclesie.

Quid mirum si hominis, carnis adhuc fragilitate circumdati, statuta mutentur, quando etiam omnipotens Deus, qui videlicet omnia, quæ futura sunt, novit: ea quoque, quæ a semetipso constituuntur, immutat? **57** Nam ex eo, quod promittit, aliquando aliquid minuit, vel etiam totum subtrahit: aliquando mala minatur, et non infligit.

Règus advocate.

Ea, quæ proposuisti, Scripturæ declarantur exemplis. Quid est ergo quod Deus unquam promisit et minuit?

Defensor Romanæ Ecclesie.

Si non excidit, reminisci potes, quia dixit Dominus ad Noe: « Non permanebit Spiritus meus in homine in æternum, quia caro est, eruntque dies illius centum viginti annorum (Gen. vi). » Sed cum Scriptura commemoret quingentorum tunc annorum existisse Noë, quando haec sibi Dominus loquebatur, sexcentorum vero tunc jam esse, cum cataclysmus erupuit: liquido patet, virginis annos de præscripti numeri spatio fuisse subtractos. Vitæ itaque spatium, quod humano generi Deus promisit, imminuit, quia perversitatis eorum reatus excrevit. Judæ quoque per os patriarchæ Jacob promisit Spiritus sanctus, dicens: « Non auferetur sceptrum de

Juda, et dux de semore ejus, donec veniat qui mitendus est (*Gen. xl ix*). » Et tamen nec temporibus Iudicū legimus viros de tribu Juda semper super Israēl tenuisse ducatum, nec rēges ex eadem tribu principatum tenuissē usque ad Christi reperiuntur adventum. Constat ergo, quia sāpe Deus omnipotens, quod homini promisit, imminuit; quoniam homo, quod Deo debuerat, non implevit.

Regius advocatus.

Doce etiam ubi Dēns promisit bonum aliquod, et efficaciter non implevit.

Defensor Romanæ Ecclesiae

Recordarē quia dicit Dominus ad Josiam regem Juda: « Pro eo, inquit, quod vidisti verba voluminis, et perterritū est cor tuum, et humiliatus es coram Domino, auditis sermonibus contra locum istum, et habitatores ejus, et scidisti vestimenta tua, et flexisti coram me: idcirco colligam te ad patres tuos, et colligeris ad sepulcrum tuum in pace (*IV Reg. xxii*). » Et tamen paulo post Scriptura dicit: « In diebus ejus ascendet Pharaō Necho [Necho] rex Aegypti contra regem Assyriorū ad flumen Euphratēm, et abiit Josias in occursum ejus, et occisus est in Magedo [Mageddo], cum vidisset eum (*IV Reg. xxiii*). » Ad Sedechiam quoque regem Juda per Jeremiam dicitur: « Audi verbum Domini, Sedecia rex Juda: Hæc dicit Dominus ad te: Non morieris in gladio, sed in pāce morieris, et secundum combustiones patrum tuorum, regum priorum, qui fuerunt ante te, sic comburent te: et vāe, Domine, plangent te: quia verbum hoc ego locutus sum, dicit Dominus (*Jer. xxxiv*). » Quod nimirum quomodo potuerit fieri, qui seriem scrutatur historiæ, nunquam poterit invenire. Nam postquam a rege Babylonis semel est captus, Babyloniamque translati, ulterius nunquam legitur **58** ab ejus vinculis absolutus. Justo ergo iudicio subtrahit Deus homini nonnunquam bona quæ prōmisit, cūm rebellis homo illius servare mandata contemnit.

Regius advocatus.

Prosequere etiam quomodo Deus, quod minatus est, non infligit.

Defensor Romanæ Ecclesiae

Nemo, qui limen Ecclesiae terit, ignorat, quia Jonas ad Ninive a Domino missus, exclamavit, dicens: « Adhuc quadraginta dies, et Ninive subverteretur (*Jonas iii*). » Sed quia civitas illa ad Deum tota est corde conversa, nequaquam juxta minacem Domini sententiam excidii est eversione deleta. Cum ergo Deus omnipotens non modo verāx, sed et ipsa sit veritas, inviolato consilii sui manente proposito, exterioris iudicij sui sāpe variat ordinem, juxta humāni sive probi, sive improbi meriti qualitatem; quatenus et a pravitate correctus, quod Deus juste minatur, evadat: et prolapsus in culpā, nullatenus, quæ pollicetur, bona percipiat. Hinc est, quod per Jeremiam dicit: « Bonas facite vias vestras, et studia vestra; et audite vocem Domini Dei vestri: et pœnitibit Dominum mali, quod locutus est adver-

A sum vōs (*Jer. xvii*). » Hinc est, quod ad Heli quoque per virum Dei Dominus ait: « Loquens locutus sum, ut domus tua, et domus patris tui ministraret in conspectu meo usque in sempiternum. Nunc autem, dicit Dominus, absit hoc a me, sed quicunque glorificaverit me, glorificabo eum: qui autem contemnunt me, erunt ignobiles (*I Reg. ii*). »

Regius advocatus.

Recte plane cuncta, quæ proposueras, perspicuis roborasti testimoniis Scripturarum; nunc autem paulisper ad superiora revertere, et juxta tuæ sponsionis elogium, de Domini regis injuria rationem redde.

Defensor Romanæ Ecclesiae.

Glorioso regi, nobis eligendo pontificem, absit, ut nos intulissimus injuriam, cum ad hoc nos, sicut superius dictum est, necessitas impulerit, non rapina: ad hoc, inquam, nos invitōs attraxit imminens periculum civilis belli, non lādendi, vel minuendi livor imperii.

Regius advocatus.

Civile bellum objicis, imminens periculum in tuæ allegationis defensione prætendis; dicatur etiam, si placet, quia cœlum rueret, terra cædem cīvium patet, perge adhuc addens, quia pontus aresceret, terra diluvium inundaret, quid mihi omnia hæc, dum constet, quia quidquid accidet, nullo paclio sancti papæ sententiam débūsti infringere, nulla ratione synodalī decretū mysterium licuit **59** violare? Sicut enim Scriptura prohibet: « Melius est ut oriatur scandalum, quam ut veritas relinquatur. » Nam si hoc bellum timuissent beati martyres, fierent procul dubio sanctæ militiæ desertores.

Defensor Romanæ Ecclesiae.

Non ignoras, quod inter omnes sanctos martyres Petrus et Paulus in apostolici senatus culmine possident principatum.

Regius advocatus.

Hoc sicut negare sacrilegum est, ita et affirmare superfluum.

Defensor Romanæ Ecclesiae.

Eorum sunt nobis tenenda vestigia, eorum forma nostris est actibus imprimenta, sub eorum magistris debemus vivere disciplina.

Regius advocatus.

D Hoc utique clarum est ac perspicuum. Sed quid a te portenti, quid præstigii sub hoc funiculo inductionis alatur, ignoro.

Defensor Romanæ Ecclesiae.

Tolle præstigium, intellige veritatem: times me tanquam tibi tendiculas substruentem, audi Paulum de coapostolo suo Petro veraciter prohibentem: « Prīusquam vénirent quidam a Jacobo, cum gentibus edebat: cūm autem venissent, subtrahebat se, et segregabat, timens eos qui ex circumcisione erant. » Cernimus ergo Petrum non rigidum, sed discrētum. Timebat enim Jūdæos, ne per occasiōnem gentium a fide recederent Christianorum, et ne perdēret gregem creditum, boni pastoris est imitatus

exemplum. Factus est enim Judæis tanquam Judæus, ut Judæos lucifaceret. Sic Christus apparuit in forma carnis peccati, ut a peccatis hominem liberaret : et cum legem Moysi non ambigeret abolendam, consulens tamen adhuc rudibus et infirmis fratribus, tenuit ad tempus umbram legis, ut eos quandoque proveheret ad perfecte noscendam plenitudinem veritatis. In hoc ergo B. Petrus discretionis nobis regulam dedit, quatenus aliquando ubi tamen non plurimum noceat, declinemus aliquantulum a tramite rectitudinis, ut consulere valeamus infirmis.

Regius advocatus.

Qui dicis, quod Petrus aliquando legem Judaicam tenuit, cur non etiam dicis, quod in eadem Epistola legitur, nimirum, quia Paulus eum in faciem reprehendit ? « In faciem, inquit, ei restitu, quia reprehensibilis erat. » Eique dixit : « Si tu, cum sis Judæus, gentiliter, et non Judaice vivis, quomodo cogis gentes judaizare ? » (*Galat. ii.*) Cum ergo illud præmisisti ? istud quare silentio suppressisti ?

60 *Defensor Romanæ Ecclesiæ.*

Quod Petrus egit compassione misericordiae, hoc Paulus arguit pro magisterio disciplinæ. Ille quod fecit dispensative, ut infirmis tolleret scandalum ; hoc iste corripuit, ne indiseretus quilibet passim adduceret in exemplum. In Petro discamus, ut periculo simus imminente discreti ; in Pauli sermonibus instruamur, ut sanis rebus vita nostra mire deseruat rectitudini.

Regius advocatus.

Lando quidem redditam rationem, sed cum duorum apostolorum proposueris magisterium, mirum cur, prætermisso Paulo, solum Petrum adduxeris in exemplum.

Defensor Romanæ Ecclesiæ.

Noli, frater, pueriliter currere, imo noli volare, sed perge ; pro gravitate quippe negotii prolatio est quoque moderanda sermonis. Audi etiam consequenter et Paulum, discretionis aureæ lineam nostris oculis opponentem, ejusdem dispensativæ compassionis auctorem. Sicut enim apostolicorum Actuum testatur historia : « Perambulabat Paulus Syriam, et Ciliciam, confirmans Ecclesias, pervenitque in Derben, et Lystram. Et ecce discipulus quidam erat, nomine Timotheus, filius mulieris viduæ fidelis, patre autem gentili (*Act. xvi.*) ». Hunc ergo, ut ad compendium veniamus, Apostolus circumcidit, quoniam Judæos, imo Judæis, qui in illis erant regionibus, timuit. Cur itaque circumcidit fidem hominem non Judæum, qui videlicet incircumcisus erat, sed natione gentilem, nisi discretionis studio deservi et, ne Judæi fideles, in scandalum corruentes, a fide recederent ? Hoc etiam nunc ad memoriam redit, quoniam aliquando juxta morem Nazaræorum comam ex voto nutriti, et postquam navigasset in Syriam, in Cenchris positus, caput juxta legis mandata tonsit. Refert adhuc Lucas, sacrae scriptor Historiæ : « Cum venissemus, inquit, Hierosolymam, libenter suscepimus nos fratres, et sequenti die Jacobus, et

A omnes seniores, qui cum eo erant, Evangelio illius comprobato, dixerunt ei : Vides, frater, quoniam millia sunt Judæi, qui crediderunt in Christum, et ii omnes æmulatores sunt legis. Audierunt autem de te, quod discessionem doceas a Moyse, eorum qui per gentes sunt Judæorum, dicens non debere eos circumcidere filios suos, neque secundum consuetudinem ingredi. Quid ergo est ? utique oportet convenire multitudinem : audient enim te supervenisse. Hoc ergo fac, quod tibi dieimus : sunt nobis viri quatuor votum habentes super se : his assumptis, sanctifica te cum ipsis, et impende in eos, ut radant capita, et sciant omnes, quia quæ de te audierunt, falsa sunt, sed ambulas et ipse custodiens legem. Tunc Paulus, assumptis viris, posteriori die purificatus cum illis intravit in templum, annuntians expletionem **61** diuinum purificationis ; donec offerretur pro unoquoque eorum oblatio (*Act. xviii et xxi.*) . »

Cur itaque Paulus juxta cæremonias Judæorum caput rasit, nudipedalia exercuit, sacrificia obtulit, et legem destruens, legis præcepta observavit ? Cur, inquam, hæc omnia, nisi ut his, qui ex Judæis fideles exstiterant, scandalum tolleretur ? formam suscepit ægritudinis, ut morbos auferret ægrotis ; servavit cæremonias legis, de quibus tamen in Epistola sua dicit : « Quæ mihi fuerunt luera facta sunt detrimenta, et propter Christum arbitror velut stercore (*Philip. iii.*) ». Circumcidit hominem, et tamen hoc terribiliter clamat : « Dico, inquit, vobis, quia si circumcidamini, Christus nihil vobis proderit (*Gal. v.*) ». Quod, quæso, majus peccatum esse poterit, quam Christum perdere, Christianæ religionis regulam violare, Judaicæ legis ritus inducere, novam Evangelii gratiam impugnare ? Et tamen hæc apostolus Paulus in superficie fecisse conspicitur, ne in ipsis novæ fidei rudimentis mentes adhuc teneræ scandala paterentur. Quantum namque in exterioribus cernitur, Cerinthus et Ebion nil pene pejus inveniuntur egisse quam Paulus. Qui nimirum in Christum credentes, propter hoc solum a parentibus anathematizati sunt, quia legis cæremonias Christi Evangelio miscuerunt ; et sic nova confessi sunt, ut vetera non mutarent. Sed ecce cum dicitur, quoniam Jacobus et omnes seniores hoc Paulo consilium dederunt ; omnes ergo discipuli, quod Paulus fecit, pariter fecerunt ; unum scilicet in hoc habent meritum, et qui fecit, et qui faciendi dedere consilium.

Si ergo ipsi principes mundi, quorum legibus parent, non modo regna terrarum, sed ultro etiam celsitudo cœlorum, non dubitavere perpaucis, qui tunc erant hominibus in iam periculo negotio descendere, cur nobis utique parvulis, et infra illorum vestigia longe jacentibus, non licuit innumerali Romanæ Urbis multitudini subvenire ? Sed quid apostolos loquimur scandalum cavisse debitum, et noviter conversorum ; cum et ipse illorum magister et Dominus, cuius nimirum omnia sæcula substernuntur imperio, ad nostræ imitationis exem-

plum, scandalum præcaverit Judæorum? « Simon, inquit, reges terrarum a quibus accipiunt tributum, a filiis suis, an ab alienis? quo respondente: ab alienis; et præsto subjungit: « Ergo liberi sunt filii. Ut autem non scandalizemus eos, vade ad mare, mitte hamum, et eum pisces, qui prius ascenderit, tolle, et aperto ore ejus invenies staterem: illum sumens, da eis pro me et te (*Matth. xvii.*)». Ad moliendum ergo rigorem rectitudinis ad tenendam virtutem discretionis, si tibi Petrus non sufficit ad exemplum, junge simul et Paulum. Quod si procaci contumaciae nequeunt uterque sufficere, pudeat te ultra Jesum per dicacitatis ineptiam prosilire: « Finis enim legis Christus ad justitiam omni credenti (*Rom. x.*)».

Regis advocatus.

Discretionis virtutem tot Scripturarum testimoniis approbatam improbare non sumus; sed absit, ut nulla virtus sit tam sublimis **62** tamve præcipua, cuius tenendæ studio in anathematis barathrum corruere debeamus. Nam cum omne, quod nobis ex divina lege præcipitur, ad hoc procul dubio tendat, ut nos Creatori nostro societas æterna conjungat: si nos ab eo, quod absit, per maledictionis sententiam contingat abscedere, quæ virtus, quæ discretio, quæ, sicut dicitur, pia compassio tam incomparabile damnum nobis potest compensare? Sane si propter hoc solum virtus appetitur, ut omnipotentis Dei societas acquiratur, qualis jam illa virtus erit, quæ nos a divini contubernii societate repellat.

Defensor Romanæ Ecclesiae.

Hæc cur prosequaris, quia nobis occulta sunt, evidenter expone.

Regius advocatus.

Synodalis enim decreti pagina, quam cum concilii totius assensu beatus Nicolaus papa constituit, cui propriæ manus articulum indidit, quam tot episcoporum venerandus, celebrisque conventus subscriptione firmavit, anathematis vinculo juxta increm carere non potuit. Unde vos pro compassione, vel condescensione, nescio, quam dicitis furentis populi, nequaquam vosmetipsos deberetis tam inenodalibus sententiæ nexibus irrelire. Ridiculum quippe est, sic obrutum de voragine marini fluctus eruere, ut ipse compellatur erector sub undosis procellarum spumantium cumulis remanere.

Defensor Romanæ Ecclesiae.

Cum hæc inconsultius loqueris, andabatarum adversum me more configlis (*vide scholia*), qui nimur dum clavis semper oculis pugnant, alios quidem vulnerant, sed quomodo semetipsos a vulneribus tueantur, ignorant. Dicis quia nequaquam debemus in anathema corrue, etiam si per hoc valeamus infirmis fratribus subvenire. Ecce vibrasti gladium, tentasti vulnus infligere, sed tibimet ubi clypeum opponeres, non vidisti. Nunquid tibi jam de memoria excidit, quod superius protuli, quoniam B. Paulus in Epistola sua dicit: « Quia si circumcidamini, Christus vobis nil proderit? » (*Gal. v.*) Et tamen,

A quod tam districte prohibuit, ipse pro charitate fratrum infirmantium, ne scandalum paterentur, implevit. Quod enim majus, sive deterius poterit quis anathema subire, quam cui negatum est, Christum pro sui reatus damnatione prodesse? Nam cui Christus non prodest, procul dubio anathema est, nihilque est aliud anathema quemlibet fieri, nisi a Christi, in quo benedicuntur omnes gentes, societate repelli. Si ergo Paulus hoc anathema pro charitate fratrum subire non timuit, imo prorsus evasit, cum non qualemeunque hominem, sed Christianum utique discipulum circumcidit; tu, quæso, ubi cordis oculos amisisti, qui, quod Apostolus fecit, non faciendum esse testaris? Ipse enim dicit: « Quæcumque scripta sunt, ad nostram doctrinam scripta sunt (*Rom. xv.*)».

63 Regius advocatus.

Verisimile est quia, sicut Paulus coapostolus suum Petrum de judaizandi rerediva usurpatione corripuit; ita nihilominus et in semeptisum, postquam discipulum circumciderat, reprehendit: nec mihi hoc aliter unquam poterit persuaderi, nisi fortassis in ejus verbis aliquatenus valeat inveniri.

Defensor Romanæ Ecclesiae.

Ut nullus ambiguitatis nævus in tua mente remaneat, ut nulla cor tuum super hoc negotio deinceps caligo confundat, audi quid idem Paulus ad Romanos dicat: « Veritatem dico in Christo, non mentior, testimonium mihi perhibente conscientia mea in Spiritu sancto, quoniam tristitia est mihi magna,

Cet continuus dolor cordi meo; optabam enim ipse anathema esse a Christo pro fratribus meis, qui sunt cognati mei secundum carnem, qui sunt Israëlitæ (*Rom. ix.*). Ecce Paulus, cum non sit sicut nos necessitate coactus, sponte ac voluntarie desiderat anathema esse pro fratribus; et tu mihi proponis anathema timendum, ubi me perspicis, et inevitabilis prorsus necessitate fuisse constrictum, et charitatis studio, ne tanta fratrum multitudo corrueret, inclinatum. Audi etiam quid Moyses pro populo Israelitico postulans dicat: « Obsecro, Domine, peccavit populus iste peccatum magnum, fecerunt sibi deos aureos: aut dimittit eis hanc noxam, aut si non facias, dele me de libro tuo quem scripsisti (*Exod. xxiii.*)». Quod nimur tunc pleniter siet, cum reprobis in iudicio dicit: « Ite, maledicti, in ignem æternum (*Matth. xxv.*)». Ecce hinc Paulus optat anathema pro fratribus fieri; ecce illinc Moyses postulat ex Dei libo pro populi, quem ducebat, charitate deleri, et sola Romana Ecclesia, quæ pietatem, et charitatem toto terrarum orbe specialiter, et principaliter docet, ex imminentibus et jam vibratis undique gladiis filios suos, quos quotidie per sacram baptismatis mysterium generat, liberare non audet?

« Maledictus vir, ait Saul, qui comedet panem usque ad vesperam, donec ulciscar me de inimicis meis (*I Reg. xiv.*). In hoc, sicut legitur, anathema Jonathas cecidit; sed eum ab immuniti mortis sententia, charitas, qua pro populo strenue dimicaverat,

liberavit. Vis audire quid etiam de ipso Jesu, totius benedictionis auctore, idem Apostolus dicat? « Christus, inquit, ut nos liberaret a maledictio legis, factus est maledictum (*Gal. III*). » Si ergo ipse auctor benedictionis æternæ, ut nos a vinculo maledictionis absolveret, maledictioni non est deditus subjacere: si sancti quique vel Novi vel Veteris Testamenti, dum sui capituli imitantur exemplum, et infirmis subvenire fratribus in periculis concupiscunt, et anathematis subire sententiam nullatenus perhorrescant: cur unum mihi niteris imputare peccatum, et charitatem ad hoc induxisse non perspicis, quæ operit multitudinem peccatorum? (*I Pet. iv.*) Quomodo autem me cūjuslibet hominis sententia ligat, quem charitas ipsa, quæ Deus est (*I Joan. iv.*), liberat? Erubescat ergo humani anathematis imputator, cum **64** per charitatis gratiam mecum sit æternæ benedictionis indulxerit.

Regius advocatus.

Cuicunque in disputatione certanti veritas ipsa defecerit, ineptum est adhuc per ambages atque versutias pertinaciter niti; ridiculum est diutius verbis prolixioribus immorari: de vinculo siquidem anathematis, quo te hactenus arbitrabar astringi, ita te naviter expedisti, ut nihil de cætero tibi valeat objici, nil super hoc capitulo rationabiliter possit opponi. Verumtamen adhuc mihi video materiam superesse, quam tibi valeam non sine causa relator objicere. Dicitis, quia necessitate constricti, et velut angusti temporis brevi spatio coaretati, nequaquam potuisti in electione pontificis expectare consensum regiae majestatis, quod profecto frivolum esse perspicuum est. Constat enim tres plus minus menses interim decurrisse ex quo sanctæ memorie papa Nicolaus occubuit, usque ad Kalendas Octobris cum iste successit. Videamus ergo si permanent morosam longitudinem, trimestris videlicet spatii, non potuerit ab aula regia pragmaticæ sanctionis vobis apacha reportari.

Defensor Romanæ Ecclesiæ.

Ecce compellis me vulgato sermone depromere quod ob imperialis palatii reverentiam decreveram silentio præterire; sed juxta vestræ scilicet exactio-
nis instantiam, jam proferatur in medium opus egregium vestrum, sæculis omnibus inauditum. Rectores enim aulæ regiae cum nonnullis Teutonici regni sanctis, ut ita loquar, episcopis conspirantes contra Romanam Ecclesiam, concilium collegistis, quo papam quasi per synodalem sententiam condemnastis, et omnia, quæ ab eo fuerant statuta, cassare incredibili prorsus audacia-præsumpsistiis: in quo nimirum non dicam iudicio, sed præjudicio, id ipsum quoque privilegium, quod regi prædictus papa contulerat, si dicere liceat, vacuasti. Nam dum, quidquid ille constituit, vestra sententia decernente, destruitur; consequenter etiam id, quod ab eo regi præstium fuerat, aboletur. Sed absit a nobis, ut propter cūjuslibet hominis insolentiam rex, qui innocens erat, quantum ad nos, rem sui

A juris amittat; et quem auctore Deo votis omnibus præstolamur ad imperiale fastigium, non permittimus ob alienam culpam regiae dignitatis incurere detrimentum.

Sed ut totam inauditæ calamitatis nostræ percurramus historiam, Stephanus cardinalis presbyter apostolicæ sedis, vir videlicet tantæ gravitatis et honestatis nitore conspicuus; tantis denique, sicut non obscurum est, virtutum floribus insignitus, cum apostolicis litteris ad aulam regiam missus, ab aulicis administratoribus non est admis-
sus; sed per quinque fere dies, ad B: Petri et apostolicæ sedis injuriam, præ foribus mansit exclusus. Quod ille; utpote vir gravis, et patiens, æquanimiter tulit; legati tamen officium, quo fungebatur, implere non potuit. Clausum itaque, signatumque **65** mysterium concilii, cuius erat gerulus, retulit, quia regis eum presentari conspectibus curialium plectenda temeritas non permisit. In qua nimirum inopinatae præsumptionis audacia tanta disputandi videretur inesse materia, ut et Demosthenis eloquentiam vincat, et copiam Tullianæ facultatis excedat. Unde si vellemus injuriam nostram districtius persecuti, jure possemus obtendere, quia vos Romanæ Ecclesie, vosmetipsos ipso dono privatis, qui scilicet ei præjudicij vestri gratis contumeliam intulisti. Ille quippe fœdus amicitiæ violat, qui gratis amicum per offendit molestiam pulsat. Nam et Dominus Iudeis per Jeremiam ait: « Ecce feriam domui Israhel, et domui Iuda fœdus novum, non secundum pactum quod pepigi cum patribus eorum, pactum quod irritum fecerunt (*Jer. xxxi*). » Ille ergo irritum reddit beneficii pactum, qui prior violat amicitiæ sacramentum. Verumtamen Romana Ecclesia non vult exaggerare quod pertulit; sed perseverare cupit in munere quod regi culmini liberaliter prærogavit.

Regius advocatus.

Quod domino nostro regi reverenter aserbis innocentiam, digne facis: quod autem administratoribus aulæ publicæ devolvis e diverso calumniam, videtur inustum. Quidquid enim circa vos in hujusmodi casibus actum est, ad hoc nos regiae matris impulit imperiale præceptum, non propriæ libertatis arbitrium.

Defensor Romanæ Ecclesiæ.

Et ego tibi secundum cordis tui duritiam respondebo: dico enim quia Dei omnipotens obtemperare sermonibus aliquando peccatum est.

Regius advocatus.

Ad hoc, quod asseris, mens humana concutitur, et Christianæ pietatis ferre non valet auditus.

Defensor Romanæ Ecclesiæ.

Quia hoc tantopere miraris, illud etiam consequenter adjicio, quia propter hoc, quod Deo quidam promptus obediuit, funditus periit: alius ob id, quia obtemperare contempsit, ad cumulum gratiae plenioris ascendit.

Regius advocatus.

Incredibile est valde, quod dicas : verumtamen si roles exemplis approbare quod loqueris, dic quis unquam Deo obedivit, ac propterea periit?

Defensor Romanæ Ecclesiae.

Non te latet, quia Iudei Iscarioti, qui jam accepto consilio eum traditurus erat, **66** Dominus ait : « Quod facis, fac citius (*Ioan. xiii*). » Postmodum quoque, cum ad ejus osculum accedere præsumpsisset, aiecit : « Amice, ad quid venisti? » subauditur, persice. Sed quia miser his sermonibus efficaciter obedivit, irrevocabiliter periit.

Regius advocatus.

Hujus propositionis ratione redditia, reddere consequenter alterius, quis scilicet Dei omnipotentis obedientiam sprevit, et propter hoc copiosiorem gratiam meruit?

Defensor Romanæ Ecclesiae.

Si placet hoc in memoriam revoca quod Dominus ad Jeremiam dixit : « Vade ad domum Rechabitarum, et loquere eis, et introduces in domum Domini in unam exedram thesaurorum, et dabis eis bibere vinum (*Jer. xxxv*). » Et paulo post prophetam subiungit : « Et posui coram filiis Rechabitarum scyphos plenos vino, et calices, et dixi ad eos : Bibite vinum ; qui responderunt : Non bibemus vinum, quia Jonadab pater noster præcepit nobis, dicens : Non bibetis vinum vos et filii vestri usque in sempiternum. » Unde postmodum Jeremias ait eis : « Hæc dicit Dominus Deus exercituum : Non deficiet vir de stirpe Jonadab filii Rechab, stans in conspectu meo cunctis diebus. » Ecce ille male obediens, perfunctus obedientiae munere cucurrit ad laqueum : isti feliciter inobedientes, perpetuum Conditoris sui meruere conspectum. Hoc etiam ad hoc valet, quod superius dictum est, quia cum papam sine consensu regis eligimus, non præsto, quod extrinsecus actum est dijudicare, sed possumus quo animo, et qua intentione sit factum, deberemus diligenter attendere.

Regius advocatus.

Hæc argumenta nobis domestica sunt, et nunquam deficiunt, quia de promptuariis proferuntur ; semper enim possumus in pravi operis exhibitione delinquere, et quia occulta est ad puræ mentis debemus patrocinium convolare.

Defensor Romanæ Ecclesiae.

Censesne semper debere juxta rerum, atque verborum superficiem judicari ? quid enim juxta verborum strepitum magis est absonum, quam cum Deus Pater, et Filius, et Spiritus sanctus mediatorem Dei et hominum dieitur tradidisse. Ecce Christum tradidit Judas, tradidit et Deus Pater ; nunquid non quasi simile factum videtur ? Ergone traditor est Judas, et traditor Deus Pater ?

Regius advocatus.

Unde probas, quia Pater, et Filius, et Spiritus sanctus tradiderint Salvatorem ?

67 *Defensor Romanæ Ecclesiae.*

Audi Apostolum dicentem : « Qui proprio Filio

Asuo non pepercit, sed pro nobis omnibus tradidit illum (*Rom. viii*). » Cui et Salomon ait : « Cum sis justus, et omnia juste disponas, ipsum quoque, qui non debet puniri, condeinas (*Sap. ii*). » Quod autem se Filius tradiderit idem dicit Apostolus : « Qui me dilexit, et tradidit seipsum pro me. » Quod autem et Spiritus sanctus tradiderit Filium Sapientia prohibet, dicens : « Benignus est enim Spiritus sapientiae, et non liberabit maledictum labiis suis (*Sap. i*). » Maledicti apud veteres dicebantur omnes qui pendebant in ligno. Christus autem, ut Apostolus dicit, ut nos liberaret a maledicto, factus est maledictum (*Gal. iii*). Spiritus vero sanctus non liberavit maledictum a labiis suis, quia quæ per ora prophetarum de Christi passione locutus est, non prohibuit ; sed super eum sine diminutione compleri cuncta permisit. Ergo secundum te, qui non de cordis intentione, sed semper ex operis vis superficie judicare : si Pater tradidit Filium, et ipse se tradidit Filius, insuper et Spiritus sanctus, Judas quid mali fecit ? Facta est traditio a Patre, facta est a Filio, nec non a Spiritu sancto, facta est et a Juda. Una res a pluribus facta est, sed eadem res in operatoribus discernenda est. Quod enim Deus omnipotens ex charitate, hoc Judas fecit ex pecuniae acquirendæ cupidine. Quod Deus fecit ad salutis nostræ remedium, hoc ille fecit ad explendum insatiabilis avaritiae votum. Vides ergo quia non quid homo faciat, debemus attendere ; sed quo animo et voluntate faciat, diligenter examinare. **C**onsi sola duntaxat exteriora perpendimus, invenimus ipsum Dominum Salvatorem et dixisse quod prohibet, et aliter fecisse quam jubet. « Quisquis, ait, dixerit fratri suo, Fatue, reus erit gehennæ ignis (*Math. v*) : » et tamen ipse resurrectionis suæ die duobus de se dubitative loquentibus ait : « O stulti, et tardi corde ad credendum ! (*Math. xxv*) » Dixerat etiam in monte discipulis : « Si quis te percusserit in dexteram maxillam, præbe illi et alteram (*Math. v*). » In passione vero positus percutienti se in maxillam puerο sacerdotis non modo non alteram præbuit, sed insuper dixit : « Si male locutus sum, exprobra de malo ; sin autem bene, cur me caedis ? » (*Joan. xviii*). Et quomodo jam verum erit quod de illo Lucas ait : « Quia cœpit facere, et docere (*Act. i*), si quod docuit non implevit ? Sed procul dubio intelligendum est hoc eum præcepisse ad præparationem cordis, non ad ostentationem operis. Quonodo enim paratus corde non fuit in maxillam alteram cœdi, qui pro hominum salute decreverat toto corpore crucifigi ? Paulus etiam palma percussus jussione pontificis, ait : « Percutiet te Deus, paries dealbate (*Act. xxiii*). » Quod minus intelligentibus videtur in verbo convictum, sed in sensu propheticus tenet oraculi sacramentum. Paries enim dealbatus hypocrisis est, sacerdotalem sub hoc nomine præferens dignitatem, sed occultans intrinsecus luteam malitiæ turpitudinem : nam quod humilitatis fuit, mirabiliter custodivit. Cum enim illi diceretur :

Principi sacerdotum maleficiis? » respondit: Nescivi, frater. **68** quis princeps esset sacerdotum: Scriptum est enim: Principem populi tui non maledices (*Act. xxiii*). » Ubi patenter ostenditur, quanta illud tranquillitate dixisset, quod iratus intulisse videbatur. Quibus Scripturarum testimoniorum quid aliud edocemur, nisi quia non iusta nuda verba semper debemus sententias judicare: sed quo animo, qua mentis intentione proferantur, inspicere?

Regius advocatus.

Dubia, quae proponis, luculenter eluci das per exempla, quae sub icis: sed queso, te, ut ad superiora paulisper redeas, et cur nos calumniem, vobis praemittimus intulisse, qui regiae ditioni parvimus, patenter exponas.

Defensor Romanæ Ecclesiæ.

Recte, plane, ordinabiliter et congruenter, postquam omnis vestræ partis objectio non rhetoriceis argumentis, non coloribus oratoriis, non denique dialecticis syllogismis, sed vivæ potius, atque perspicuæ veritatis est ratione purgata: versa vice jam dignum est, ut de vestris excessibus vel breviter disseratur. Enimvero damnatio papæ tam gravis, et inexplicabilis est, ut non humano, sed divino duntaxat sit tractanda iudicio. Reges autem nostros cum ætatis infirmitas, tum fragilitas sexus excusat; quibus utique non reatus ascribitur, sed eorum consiliariis, ut dignum est, imputatur. Omissis itaque perversitatibus cæteris, ut quid ignorante Roma reprobum hominem in Romanum pontificem eligere præsumpsisti?

Regius advocatus.

Electionem quidem, ut palam est, fecimus: sed longe prius Gerardo comite, aliisque Romanis, ut dicebatur, civibus infatigabiliter insistentibus, ad hoc inducti sumus. Nam et abbas monasterii, quod dicitur Clivus Scauri, non desuit. Non ergo, ut assesis, ignorantie Roma, sed præsente atque petente, Romani pontificis electio facta est.

Defensor Romanæ Ecclesiæ.

In hoc pro me facis, dum Gerardo sub anathemate constituto te communicasse testaris: nam ut de abbate, et aliis interim sileamus, de Gerardo liceat tantummodo dicere, Ecclesiæ hominem non fuisse, et Christi nequaquam pertinuisse fidelibus. Illud enim unum caput anathemati, maledictionique su' jecuit omnium fere pontificum, quicunque Romanæ Ecclesiæ suis temporibus præfuerunt: demum paulo antequam moritur, propter ducem, et archiepiscopum Anglorum, quos a beati Petri limini bus redemptus invasit, spoliavit, et usque ad mille Papiensis monetæ libras appendentia rapuit. Propter hoc itaque in plenaria synodo, papa Nicolao præsidente, excommunicatus est, et extinctis luminaribus sub perpetuo fuit anathemate condemnatus. Perpendat igitur sancta synodus, si illius ejusque complicum rata jure **69** videatur electio, qui tam terribiliter atque irrevocabiliter est ab Ecclesiæ visceribus evangelica

A atque cononica falce præcisis, ut nè in morte quidem ad Christianitatis fuerit titulum reformatus: et sic per eum ordinari Romanam Ecclesiam dignum fuit, qui ejus semper cruentus exstinctus inimicus, qui eam semper est feruliter persecutus. Et quomodo summam debet Ecclesiam ordinare, cujuscunque lumen Ecclesiæ non licet attingere? Cuan at Dominus ad Israel: « Anathema in medio tui, Israel; nec poteris stare contra hostes tuos, donec deleatur ex te, qui hoc contaminatus est scelere. » Et hoc quare? Quoniam Achar filius Charmi de anathemate Jericho ducentos duntaxat argenti siclos, regulamque auream quinquaginta siclorum, et coccineum abstulerat pallium: et ob hanc vilem videlicet summam auctor sceleris non modo lapidatur, sed et

B lapidum acervis obruitur. Si propter illum hominem, qui duntaxat unum sacrilegium fraude commiserat, Israel ante suorum hostium faciem ruiturus erat: quomodo stabit Ecclesia, si per virum tot criminalibus involutum, fuerit ordinata? præsertim eum et salem elegerit, in quem, teste mundo, omnium vitiorum sentina confluxit pseudepiscopum, apostolum Antichristi, adversarium Christi, animam pueriarum, mangonem ecclesiarum (2). Quis ergo istorum justo videbitur examine præferendus? utrum is, quem elegit unus vir perpetuae maledictionis anathemate condemnatus; an ille potius, quem cardinales episcopi unanimiter vocaverunt: quem clerus elegit, quem populus expetivit non in extremitate terratum, sed intra moenia Romanorum, et in ipsius

C sedis apostolicæ gremio.

Regius advocatus.

Tot a te rationibus redditis, possemus fortassis adhibere consensum, si semel emissam deceret regiam majestatem mutare sententiam, principali quippe gloriæ velut inconstantiae nævus imprimitur, si quocunque suæ constitutionis edictum leviter annuletur.

Defensor Romanæ Ecclesiæ.

Quis nesciat rege Deum esse majorem? Et tamen dicere non erubescit: « Pœnitet me, quod consti tuerim Saul regem (*I Reg., xv*); » et per Samuelem ei denuntiat dicens: « Projectit te Dominus, ne sis rex super Israel (*Ibid.*). » Si pœnitere se Deus asseruit, qui futura cuneta cognoverat: cum homo suam commutare in melius sententiam erubescat, qui qualis, et ipse quoque sit futurus, ignorat? Ille de bono factus est malus; iste videlicet Cadalous, de malo utique, quod jam erat, sit quotidie diaboli more deterior.

Regius advocatus.

Quam inconsulte nunc loqueris, qui diabolum deteriorari posse testaris, qui certe tam malus est, ut deterior esse non possit.

70 *Defensor Romanæ Ecclesiæ.*

Mentior, si quod proposui, Scripturæ testimoniis comprobare non valeo. Nam, Isaia teste, dicitur superbus in mundi principio: « Ascendam

(2) Cadaloum antipapam intelligit.

super altitudinem nubium, similis ero Altissimo (*Isai. xiv.*). » Paulus autem dicit : « Qui in fine mundi veniens, adversatur, et extollitur supra omne, quod dicitur Deus, aut quod colitur (*II Thess. ii.*). » Quia ergo tunc affectavit Deo se similem esse, in fine mundi jam deterior factus, vult quasi superior eminere. Per quod manifeste colligitur, diabolum adhuc in deteriora posse corruiere; quia diabolus interpretatur *deorsum fluens*. Cadalous a cadendo dictus, *ruinam populi* sonat, ipsis quoque nominibus aptissime invicem uterque concordat. Dic ergo quomodo iste pontifex erit, quem non Romanus populus, sed unus homo cum suis complicibus, idemque non Romanus, sed suburbanus (2^o), et non Ecclesiæ filius, sed maledictus, et anathematizatus elegit? Illene erit tuo iudicio pontifex, qui suam vendidit, ut Romanam Ecclesiam obtineret? qui Romanos occidit in ore gladii, ut Romanus Pontifex fieret? Dicis non debuisse me pontificem sine consensu Regis eligere, et magnipendendum mihi non fuisse, ut populus non periret. Ecce hinc B. Augustinus Hippomensi Ecclesiæ, Valerio vivente, præficitur : ecce illinc Ambrosius octavo die postquam baptizatus est, perceptis cunctis ecclesiasticis gradibus, episcopus ordinatur. In quibus utique ob nil aliud canonicae auctoritatis ordo deseritur, nisi duntaxat ut saluti populi consulatur. Et tu mihi dicens, in servando populo ipsi regi me non debuisse consolare, ut sibimet in dando consensu unius epistolæ gloria proveniret. Nam unde postmodum Romanus imperator fieret, si tunc se Romanus populus mutuis vulneribus peremisset? Porro autem, quia in constituendo pontifice Romana Ecclesia a charitate regia non recessit, hoc etiam indicio est, quia cum in clero suo religiosis viris et sapientibus abundaret, non de propriis, sed eum, qui regi tanquam domesticus et familiaris erat, elegit.

Regius advocatus.

Quisquis veritati, postquam patescata claruerit, obstinate renititur, Dei omnipotentis adversarius non immerito judicatur, cuius adversum se iram inextinguibiliter provocat (*I Joan. v.*), si veritatem, quæ ipse est, pertinaciter et arroganter impugnat. Nam ut ipse disputationi tuæ velut epilogum faciam, cum inter nos quæsilio moveretur, utrum sine regis assensu Romani pontificis fieri possit electio, recentis historiarum catalogis, tantam Romanorum imperatorum atque pontificum copiam coacervasti, et velut nubem mihi testium opposuisti, ut his conspectis ne nutum quidem me adversum te sub hoc ulterius facere libuisset. De anathemate vero, quod Nicolaus papa constituit, ubi, ut jam verum fatear, totam victoriæ vim intentio nostra posuerat, tam invictis Scripturarum testimoniis, 71 tam lucidis certe modo beatorum apostolorum, modo ipsius Domini Salvatoris tuæ disputationis assertio se purga-

(2^o) Gerardus is est Galeræ dominus; est enim Galeræ oppidulum prope Urbem situm, ideoque suburbanum appellatum.

A vit exemplis; ut nos eatenus ignota doceret, et vos ab illius sententiae vinculo potenter absolveret. Deinde a domini mei regis, quam dicebamus, injuria, quæ scilicet nos adversum vos acrius accendebat, tam strenue tua se purgavit oratorio, ut evidenti clarescat indicio, quia in eo, quod sibi pontificem populus Romanus elegit, majestati regiae potissimum anipistravit, nec ei, sicut dicebatur, privilegium tulit, sed potius roboravit, dum non de Romana Ecclesia, sed ex aula regia sacerdotem ad apostolicæ sedis culmen evexit. Postremo de electione Parmensis episcopi quid dicemus? loquar, an sileam? Sed, juxta Scripturam, « conceptum sermonem tenere quis possit? (*Job iv.*) » Et certe ubi nuda veritas cernitur, turpis ignominiae est, si commento fallaciæ deservitur. Ipsi plane liquido novimus anathematizatum esse Gerardum, nec ignoramus ejus instinctu potissimum hunc episcopum in hoc negotium suisse pellectum. Ut igitur ita loquar, arbor, quæ de venenata radice anathematis oritur, antequam perniciosum prorumpat in fructum modis omnibus, necesse est evellatur, testante Veritate, quæ dicit : « Omnis arbor quæ non facit fructum bonum, excidetur, et in ignem mittetur (*Matth. iii.*). »

Defensor Romanæ Ecclesiæ.

Ecce audivit beatitudo vestra, venerabiles Patres, quoniam qui inspector est mentium, confederat nos in concertatione verborum. Vedit enim nos non malitiæ causa configere, sed inveniendæ veritatis studio deservire (*Ephes. ii.*), ideoque dignatus est mo-

C tam inter nos soproximam querelam, et suam nobis inspirare concordiam. Pax enim nostra, quæ fecit utraque unum, conflavit in eodem sensu corda duorum. Agamus illi gratias, qui prius sagena (3) Petro periclitari permisit, et turbine ventorum, et procellis undarum : sed ecce ut regrediens manum tetendit, Petrum erexit, ventis imperavit (*Marc. vi.*), et discrimina marij compescuit, confessim mare, quod in cumulos erigebatur, obruitur, tempestatis procella sedatur, ventorum turbo reprimitur, et aurea cœli facies serenatur.

Clausula dictionis.

D Amodo igitur, dilectissimi, illinc regalis aulæ consiliarii, hinc sedis apostolicæ comministri, utraque pars in hoc uno studio conspiremus elaborantes, ut summum sacerdotium et Romanum simul confederetur imperium; quatenus humanum genus, quod per hos duos asperges in utraque substantia regitur, nullis, quod absit, partibus, quod per Cadaloum numerum factum est, rescindatur: sicque mundi vertices in perpetuæ charitatis unionem concurrant, ut inferiora membra per eorum discordiam non resiliant; quatenus sicut in uno mediatore Dei, et hominum haec duo, regnum scilicet et sacerdotium, divino sunt conflata mysterio; ita sublimes istae duæ personæ 72 tanta sibimet invicem unanimitate jungan-

(3) Sagena vero navicula saepius usurpata a S. Doct.

tur, ut quodam mutuæ charitatis glutino et rex in Romano pontificę, et Romanus pontifex inveniatur in rege; salvo scilicet suo privilegio papæ, quod nemo [nemini] præter eum usurpare permittitur. Cæterum et ipse delinquentes, cum causa dictaverit, forensi lege coercent, et rex cum suis episcopis super animarum statu, prolata sacerorum canorum auctoritate, decernat. Ille tanquam parens paterno semper jure præmineat; iste velut unicus ac singularis filius in amore illius amplexibus requiescat. Attalus plane rex Asiae et Nicomedes rex Bithyniæ in tantum Romanam rempublicam dilexerunt, ut uerque moriens Romanum populum testamento reliquisset [reliquerit] hæredem. Sanctæ ergo Ecclesiæ principes quam propensiori invicem debent charitatem congruere, quibus iunctum est charitatem præcipue Christiano populo prædicare; ut ex eorum, quæ procedat ex pietate concordia, sancta universalis gratuletur Ecclesia, ac gemino utriusque studio Christianæ religionis refloret disciplina. Verum nos pescatoris nostri naviculam ex hiatu scyllæ voraginis trahentes, dum successorem Petri fidei labente vestigio mersum ad littora quieta deducimus, pium Ereptori nostro celeuma canteamus:

Te Deum laudamus: Te Dominum confitemur.

Ultio divina, populi Cadaloe ruina,

Te manet, ut diro' medium transverberet ictu.

Altipetax Simonem sequeris Simon astra pe[n]tentem.

Te quoque Tartareus simul absorbebit hiatus.

Sit nomen Domini benedictum.

SCHOLIA.

« Beato Sylvestro (Constantinus imp.) suisque successoribus obtulit, ut regali more, et aurea corona plecterentur in capite, et cæteras regii cultus insulas usurparent. Verum B. Sylvester ornamenti, quæ sacerdotali congruere judicabat officio, in proprios usus assumpsit. Coronam vero, vel cætera, quæ magis ambitiosa quam mystica videbantur, omisit. » Dum sanctus cardinalis ait, S. Sylvestrum oblata a Magno Constantino principatus in ignia repudiasse, ea vero ornamenta sibi desumpsisse, quæ dignitatem pontificiam condecorarent, a vero abhorrente non videtur. Nam quæ fuit ardens ejusdem Constantini ad fidem præcipue Christianam recenter-conversi pietas, ut voluisse omnia imperii decora in pontificem summum conferre. Fuit tamen singularis ejusdam prudentia in S. Sylvestro ea tantum diligere, quæ spiritualis potestatis culmen, ac fastigium significarent. Id quod etiam habetur cap. *Constantinus* dist. 96, verbis istis: B. Sylvestro et omnibus successoribus ejus de præsentis tradidimus palatum imperii nostri Lateranense; d' inde diaclema, videlicet coronam capitum nostri, simulque phrygium, nec non et superhumeralis, videlicet lorum quod imperiale circumdare assolet collum. Et nonnullis interjectis: Ipse vero beatissimus papa super coronam clericatus, quam gerit ad gloriam beatissimi Petri, 73 ipsa ex auro non est passus uti corona; phrygium vero candido nitore splendidum, resurrectionem Dominicam designans, ejus sacratissimo vertici manibus nostris imposuimus. Sancti Sylvestri porro mitra Platina hunc in modum meminit: « Eugenius IV S. Sylvestri mitram, Romam Avenione delatam, ipsem et Vaticano ad Lateranum detulit. » Hujus autem, vel alterius ejusdem S. Sylve tri mæ me-

A pietas, coloris viridis holoserica, et phrygiata, in qua beatissimæ Virginis in gremio Filium gestantis imago picta, ei alatis puerulis, ac stellis circumsepta cernitur, Romæ ad S. Martinum in Montibus inter reliquias honorisice custoditur.

Neque hoc sic intelligas velim, ut pontificalis dignitatis ornamenta tunc primum in Ecclesiam inventa fuerint, quidquid dicant Aimonius, atque Sigebertus, vel etiam alii (*Aimon. Hist. Fr.* l. 1, c. 24; *SIGEB. Chron. ad an. Christi 550*). Nam quod Constantinus gentilium vanitatem detestatus, B. Sylvestro videtur concessisse, hoc ipsum sanctissimos ejus antecessores ob inmanem, atque frequentem aliorum imperatorum persecutionem deposuisse appetet. Jacobus enim Alphæi, cognomento Justus, idemque frater Domini nominatus, a Petro apostolorum principe, ut optime Chrysostomus animadvertisit (*Chrysost. in Joan., hom. 87*), ordinatus Hierosolymorum episcopus, laminam, seu bracteam auream in capite gestare consuevit: ut testatum reliquere Epiphanius, Hieronymus, ac omnes alii sere scriptores ecclesiastici (*EPIPH. hæres.* 29 et 78; *HIER. de script. eccl. in Jac. et in Epist. ad Galat. II*; *EPIPH. hæres.* 29). Hujus vero rei hanc affert rationem idem Epiphanius: solium, sive bracteam in capite gestare ipsi licebat, quemadmo lunæ relati side digni viri Clemens et Eusebius in suis commentariis testati sunt: « Sacerdos itaque est, velut dixi, Jesus Christus in æternum, secundum ordinem Melchisedech: simulque rex iuxta ordinem ex supernis, ut transferat sacerdotium simul cum lege: ex semine vero David propter Mariam sedens in throno in æternum, et Regni ejus non erit finis. Oportebat enim ipsum nunc transferre ordinem tum sacerdotii, tum regni. » Et quibusdam interjectis: « Lægitus est autem sub se constitutis Regnum, ut ne diceretur a parvis ad majora procedere: manet enim thronus ipsius, et regni ejus non erit finis: et sedit super thronum David, ita ut regnum David, una cum pontificatu transtulerit, ac largitus sit servis suis, hoc est, pontificibus catholicæ Ecclesiæ. » Plura de his apud eumdem Epiphanium habes. In signum igitur regalis sacerdotii (sic ipsum appellat Petrus [*I Petr. 11*]) ejusmodi capiti ornamentum gestare consueisse, non Jacobum tantum, sed et cæteros apostolos par est credere (*POLYCH. ep. ap. Euseb. Hist. lib. v, c. 23; HIER. De script. eccl. in Polycr.*). Nam etsi hæc de singulis non scribantur, satis tamen ad veritatem rei demonstrandam esse videtur, quod non modo Jacobus, ut vidimus, sed et Joannes 74 Evangelista eo usus est capitis ornamento. Testatur id Polycrates Ephesiorum episcopus ad Victorem papam inter alia ita scribens: « His accedit Joannes, qui supra pectus Domini recubuit, qui sacerdos fuit, qui laminam auream gestavit. Erat autem ejusmodi capitis ornamentum, quod in amplius atque perfectius Christianæ legis sacerdotium translatum est antiquæ legis sacerdotibus olim a Deo concessum. Sic namque sacra Scriptura: « Facies et laminam de auro purissimo, in qua sculps操 opere cælatoris sanctum Domino: ligabisque eam vitta hianæ cynthina, et erit super tiaram imminens fronti pontificis (*Exod. xxviii, xxix et xxxix; Levit. viii*). » Quale autem fuerit capitis ornamentum summi sacerdotis, Josephus exacte describit (*Joseph. Antig. l. iii, c. 8*), monstratque non tantum lamina aurea, sed et corona aurea triplici ordine ducta mitram ornatam fuisse: sunt ejus verba: « Porro pileo (ita vocat cydarim, seu mitram communem pariter cæteris sacerdotibus) utebatur, quali cæteri sacerdotes, super quem exstabat aliis consutulis ex hiacyntho variatus: hunc aurea corona triplici ordine circumdabat, in qua spectabantur calculi aurei, quales videmus in herba, quæ apud nos vocatur daecharus: apud Græcos herbaros hyoscymus. » Sed et divina Scriptura pulchre quidem hoc ipsum innuisse videtur sub illis verbis: « Co-

rona aurea super mitram ejus, expressa signo sanctitatis (*Ecclesi. XLV*). Nam cum sacerdotibus aliis uti cydari, seu mitra concessum esset: lamina tamen aurea, ut dicebam; ornari caput, summi tantum pontificis erat peculiare: quod mitrae ornamentum cum tribus aureis coronis intexeretur, corona etiam in sacris Litteris jure merito appellatur (4). Cæterum cum omnia fere Veteris Legis Pontificum ornamenta una cum summo sacerdotio, in Ecclesiam Romanam jure optimo translata fuerint, illud etiam scitu dignum videtur, quod Bonifacius ejusdem Ecclesiæ pont. max. (præter salutarem Jubilæi, sacramque institutionem centesimo quoque anno celebrandam) hujusmodi etiam tiaram, quam regnum

(4) S. Petrum tres etiam claves manu tenentem fuisse designatum vetustissima Urbis monumenta me docuerunt.

A vulgo appellant, tribus distinctam ornatamque coronis (5) (cum eamdem antea tiaram una tantum corona insignitam ejus antecessores deferrent) ad pontificum Romanorum usum primus revocavit. Hic est ille Octavus Bonifacius ex nobili ac vetusta Cajetanorum familia, patre Livisredo equite, matre Alexandri IV nepte, progenitus: qui (ut inter alios Antoninus archiepiscopus Florentinus sanctitate ac doctrina conspicuus testatur) amulutor magnus, et jurium Ecclesiæ conservator, propter sedis apostolicæ patrocinium, adversus ditionis ac bonorum illius detentores animo fortissimo susceptum, et ad finem constanter perductum innumeris malevolorum calumniis se obnoxium reddidit.

(5) De tribus Romanorum pontificum coronis N. Antonius Mazalonius libellum conscripsit.

75-76 OPUSCULUM QUINTUM.

ACTUS MEDIOLANI, DE PRIVILEGIO ROMANÆ ECCLESIAE, AD HILDEBRANDUM
S. R. E. CARDINALEM ARCHIDIACONUM.

ARGUMENTUM. — Hoc opusculum de privilegio Romanæ Ecclesiæ inscribitur: est autem brevis narratio eoruin, quæ ipsi sanctissimo doctori in legatione Mediolanensi contigerunt; cum scilicet contra ejusdem Ecclesiæ clericos Nicolaitas pariter et Simoniacos, legatus a sede apostolica missus, non minus castitatis, quam Romanæ Ecclesiæ jura tuenda, suscepisset.

Domino HILDEBRANDO venerabili archidiacono, PETRUS peccator monachus, sincerissimæ devotionis affectum.

Privilegium Romanæ Ecclesiæ quantas habeat vires ad servandam canonicæ æquitatis et justitiae regulam, quantumque vigorem ad disponendam ecclesiastici status contineat disciplinam, solus ille dilucide comprehendit, qui ecclesiasticis consuevit insudare negotiis. Quod utique privilegium, qui inexpertus est, parvipendit, exercitatus amplectitur. Quia sicut arma non curat, qui certamen ignorat; sic e diverso telis inhibanter accingitur, qui ad reportandos ex more victoriarum titulos animatur. Armis autem privilegium Romanæ Ecclesiæ non incongrue comparaverim, quia dum hæc una per cathedram beati Petri totius Christianæ religionis caput effecta, cunctis in orbe terrarum principetur Ecclesiis, velut dux ante aciem fidelium cuneis fulta, ac specialis prærogativæ auctoritate munita, et Evangelico mucrone veritati resistentium cervices obtruncat, et ad invictissime dimicandum totam Christi militiam in unius charitatis, ac fidei unanimitate conspirat. Hoc tu subtiliter, ut et alia multa perpendens, frequenter a me charitate, quæ supèrat omnia, postulasti; ut Romanorum pontificum decreta, vel gesta percurrentes, quidquid apostolicæ sedis auctoritati specialiter competere videretur, hinc inde curiosus exscruplem, atque in parvi voluminis unionem novæ compilationis arte conflarem. Hanc itaque tuæ petitionis instantiam cum ego negligens floccipenderem, magisque superstitioni quam necessitati obnoxiam

B judicarem; divinitus, ut reor, actum est, ut Mediolanensem urbem, beatissimi Nicolai papæ legatione functus, adirem.

Erat enim inter clerum et populum, propter duas haereses, Simoniacam videlicet, et Nicolitarum, satis turbulenta seditio. Nicolitæ autem dicuntur clerici, qui contra castitatis ecclesiasticæ regulam feminis admiscentur. Qui plane tunc fornicatores sunt, cum foedi commercii copulas ineunt; tunc Nicolitæ jure vocantur cum hanc lethiferam pestem velut ex auctoritate defendunt. Vitium quippe in haeresim vertitur, cum perversi dogmatis assertione firmatur. Quid plura? nobis digna sedis apostolicae veneratione receptis, ac negotiis, quæ nos attraxerant, intimatis, post diem alterum factiōne clericorum repente in populo murmur exoritur, non debere Ambrosianam Ecclesiam Romanis legibus subjacere, nullumque judicandi, vel disponendi jus Romano-pontifici in illa sede competere. Nimis indignum, inquit, ut quæ sub progenitoribus nostris semper exstitit libera, ad nostræ confusionis opprobrium nunc alteri, quod absit, Ecclesiæ sit subjecta. Postremo tumultuantum clamor attollitur, ex diversis partibus ad episcopale palatum convenitur: dein tintinnabula perstrepunt, prægrandis æreæ tubæ, quæ illuc est, tota civitas clangoribus intonatur. Intentabant mihi, ut ita loquar, omnia mortem, et ut ab amicis meis mihi saepè suggestum est, nonnulli meum sanguinem sitiebant. Augebat autem hujus ignis incendium hoc permaxime, quia congregatis quasi ad synodus totius Ambrosianæ parochiæ cle-